

## Pablo Timoteore ape pūrī ojanemo'que ni'i

*A'ti pūrī a'tiro weero ojanopā nise ni'i*

Pablo Timoteore Romapɔ bu'iri da'reri wi'ipɔ nígũ, ojacɔ niwĩ. Cũ Timoteore ojamɔ'tăca pūrĩrē a'tiro ojacɔ niwĩ: “Yɔ'ɔ bu'iri da'reri wi'ipɔ nise wapa nipe'tiropɔ Jesucristo ye queti se'saro wee'e”, ni ojacɔ niwĩ. A'ti pūrĩma ti pūrĩ weronojō ojaticɔ niwĩ. Asia di'tacjāră cūrē bu'iri da'reri wi'ipɔ nică, bopoyasăcără niwă. Tojo weegɔ nipe'tiră cō'awă'căno'caro weronojō tɔ'oŋa'cɔ niwĩ. Luca, tojo nică Onesíforo ya wi'icjāră dia'cũ cūrē wăcūtutuacă wéeră, bu'iri da'reri wi'ipɔ nigūrē bopoyasăticără niwă. Pablo “Ni'căta nisa'a” ni tɔ'oŋa'gũ, cũ me'răcjāră waro Timoteore, Marcore cũ tiropɔ pijiocɔ niwĩ. Troapɔ cũ cū'que paperare, cũ yaro asibusurore miitidutigɔnojōta pijiocɔ niwĩ. Cũ “Maata wěrīgũsa'a”, ni wăcũcɔ niwĩ. A'ti pūrĩ cũ ojatɔoca pūrĩ ni'i.

*Pablo Timoteore oja'que ni'i*

<sup>1</sup> Yɔ'ɔ Pablo Jesucristo besecũ'cɔ ni'i. Cũ yɔ'are Ō'acũ ɔronojōta cũ ye quetire weredutigɔ o'ówĩ. A'te queti a'tiro ni'i. Ō'acũ “Jesucristore ējōpeorărē catinu'cũcă weeguti”, nicɔ niwĩ. Cũ ní'caronojōta yɔ'are tere weredutigɔ o'ówĩ.

<sup>2</sup> Timoteo, mu'urẽ yu'u maigũrẽ oja'a. Mu'u Jesucristo ye quetire yu'u werecã, añurõ ãjõpeowu. Tojo weegu mu'u yu'u macũ weronojõ ni'i. Õ'acũ marĩ pacu, tojo nicã Jesucristo marĩ wiogu mu'urẽ añurõ weeato. Pajaña'to. Mu'urẽ ejerisãjãcã weeato.

*“Jesucristore ãjõpeorã ãpẽrãrẽ a'tiro weerõna'a” nise ni'i*

<sup>3</sup> Yu'u Õ'acũrẽ sãrĩsetirinucũ mu'urẽ wãcũ'u. Mu'urẽ wãcũgũ, ñamipũ, umucopũ Õ'acũrẽ e'catise o'o'o. Cũrẽ yu'u ñecũsumua ãjõpeoseti'caronojõta ãjõpeo'o. Yu'u bu'iri moogũ tu'oña'gũ, cãrẽ ãjõpeo'o. <sup>4</sup> Timoteo, mu'urẽ pũrõ wãcũ'u. Yu'u mu'u tiropũ ní'cu wijacã, mu'u uti'quere wãcũnu'cũcã'a. Mu'urẽ pũrõ ã'asĩ'rĩsa'a. Mu'urẽ ã'agũ, e'catiguti ní'gũ, tojo wãcũ'u. <sup>5</sup> Mu'u Jesucristore queoro ãjõpeosere yu'u wãcũ'u. Mu'u ni'cãrõacã ãjõpeosere mu'u ñecõ Loida, tojo nicã mu'u paco Eunice ãjõpeomũ'tãwã. Mu'u quẽ'rã tereta ãjõpeosirutugu wee'e.

<sup>6</sup> Tojo weegu mu'u a'tiro weecã ua'a. Õ'acũ mu'urẽ weeduti'quere tutuaro me'rã weenu'cũcã'ña. Todũporo yu'u mu'urẽ ñapeocã, Õ'acũ mu'urẽ añuse masĩsere o'owĩ. Tere nemorõ añurõ weenu'cũcã'ña. <sup>7</sup> Õ'acũ marĩrẽ Espĩritu Santure o'ówĩ. Cãrẽ o'ógũ, uidutigũ mejẽta o'owĩ. Tojo o'ogũ, tutuase o'ogũre, ma'ise o'ogũre, queoro wãcũse o'ogũre o'owĩ. <sup>8</sup> Tojo weegu marĩ wiogu ye quetire weregu, bopoyaticã'ña. Yu'u quẽ'rãrẽ Jesucristo ye queti bu'ese wapa, bu'iri da'reri wi'ipũ

yu'u dujicã, bopoyasãticã'ña. A'tiro pe'e weeya. Jesucristo ye quetire wereya. Tojo werese bu'iri mu'u quẽ'rã ña'arõ yu'rũgusa'a. Tojo wa'acã ñ'agũ, "Añurõsa'a", ñña. Õ'acũ mu'urẽ tutuaro o'oro põtëorõ tojo weeya. <sup>9</sup> Õ'acũ marĩrẽ pecame'epu wa'abo'cãrãrẽ yu'rũweticã weewĩ. Cũ añurõ weecã uagu, cũ uaro weedutigu marĩrẽ besecu niwĩ. Marĩ añuse weesetisere ñ'agũ mejëta besecu niwĩ. Cũ pe'e marĩrẽ añurõ weesĩ'rĩgũ besecu niwĩ. A'tiro ni'i. Õ'acũ marĩrẽ ma'ígũ, Jesucristo marĩrẽ yu'rũoatjere wãcũcu niwĩ. Tere a'ti turi weese dũporo wãcũtojacu niwĩ. <sup>10</sup> A'tocateroma marĩrẽ yu'rũogu, Jesucristo a'tise me'rã cũ ma'isere ñ'owĩ. Marĩ pecame'epu wa'abo'cãrãrẽ yu'rũweticã weewĩ. Tojo nicã a'tiro masicã weewĩ. Marĩ cũ yu'rũose quetire tu'o ëjõpeorã, catinu'cũrãsa'a nisere masicã weewĩ.

<sup>11</sup> Õ'acũ te quetire yu'ure weredutiwĩ. Judío masã nitirãrẽ bu'edutigu yu'ure besecũwĩ. <sup>12</sup> Te quetire werese bu'iri yu'u pũrõ pi'eti'i. Tojo pi'etimigũ, bopoyawe'e. Yu'u Jesucristore masĩ'i. "Cũ ní'quere queorota weegusami", ni'i. Cũ tutuagu nimi. Yu'ure te queti wereturiase cũu'quere añurõ co'teyapada'reogusami. "Téé apaturi a'tigupu, co'tenu'cũgũsami", ni'i. Tojo weegu yu'u ne bopoyawe'e.

<sup>13</sup> Yu'u mu'urẽ bu'e'quere queoro bu'ewã'cãña. Añurõ ëjõpeosetiya. A'merĩ ma'ña. Marĩ Jesucristo me'rã nĩrã, tojo weemasĩ'i. <sup>14</sup> Espíritu Santu marĩpũre nimi. Cũ weetamuse me'rã Õ'acũ mu'urẽ weredutigu

cũu'quere añurõ bu'eya.

<sup>15</sup> Mũ'u masĩtoja'a. Nipe'tirã Jesucristore ãjõpeorã, Asiacjãrã yũ'ure cõ'awijape'tia wa'awã. Na wa'tero ní'cãrã quẽ'rã Figelo, tojo nicã Hermógenes mejãrõta weewã.

<sup>16</sup> Onesíforo pũrĩcã tojo weetiwiĩ. Õ'acũ cãrẽ, cũ ya wi'icjãrãrẽ pajaña'gũsami. Pejetiri Onesíforo yũ'ure wãcũtutuacã weewĩ. Apeye quẽ'rãrẽ yũ'u bu'iri da'reri wi'ipũ nimicã, yũ'ure bopoyasãtiwiĩ. <sup>17</sup> A'tiro pe'e weewĩ. Cũ Romapũ ejagũ, yũ'ure upũtu a'macu niwĩ. Téé bocagupũ, a'madu'uwĩ. <sup>18</sup> Marĩ wiogũ masãrẽ beseatji nũmũ Onesíforore pajaña'to. Cũ marĩrẽ Éfesopũ weetamu'quere mũ'u añurõ masĩsa'a.

## 2

### *Pablo Timoteore queoro weedutise ni'i*

<sup>1</sup> Timoteo, mũ'u yũ'u macũ weronojõ nigũrẽ a'tiro nigũti. Jesucristo mũ'urẽ añurõ weemi. Tojo weegũ cũ weetamuse me'rã cãrẽ ãjõpeonu'cũcã'ña. <sup>2</sup> Yũ'u pãjãrã masã tu'oropũ bu'e'quere wereturiaya. "Ã'rãta yũ'u bu'esere ãpẽrãrẽ queoro wereturiatũ'sama" ni, mũ'u ĩ'arãnojõrẽ wereya.

<sup>3</sup> Mũ'u Jesucristo ye quetire werese bu'iri mũ'urẽ ña'arõ wa'arosa'a. Æsãrẽ wa'a'caro weronojõ wa'arosa'a. Mũ'urẽ tojo wa'acã, wãcũtutuaya. Surara weronojõ weeya. Cãrẽ mejẽcã wa'acã, wãcũtutuasami. <sup>4</sup> Surara cũ wiogũ dutise dia'cãrẽ weesami. Surara nitigũ weronojõ weetisami. Tojo weegũ mũ'u cũ weronojõ weeya. Jesucristo ye dia'cãrẽ weeya.

<sup>5</sup> Apĩ quẽ'rã omarĩ masũ cã wiorã dutisenojõrẽ queoro weetigu, wapata'atisami. Na cãrẽ o'obo'quere o'otisama. Tojo weegu añuse bocasĩ'rĩgũ, Jesucristo duti'quere queoro weeya. <sup>6</sup> Ni'cũ wesepu añurõ da'ragunojõ ti wese cjase ducatisa me'rã dua wapata'amasĩsami. Mu'u te weronojõ Õ'acũ ye cjasere añurõ bu'égũ, te wapa mu'u quẽ'rã wapata'amasĩ'i. <sup>7</sup> Yu'u weresere wãcũnrũña. Mu'u tojo weecã, marĩ wiogu nipe'tisere mu'urẽ masĩcã weegusami.

<sup>8</sup> Jesucristore wãcũña. Cã wẽrĩ'cu nimigũ, masãcu niwĩ. Cũta dũporocjã wiogu Davi pãrãmi nituriagu nimi. Yu'u Jesucristo ye añuse quetire weregu, tereta werewu. <sup>9</sup> A'te queti werese bu'iri yu'u pi'etisa'a. Yu'u ña'arõ weegú weronojõ bu'iri da'reri wi'ipũ ni'i. Õ'acũ ye queti pũrĩcã nipe'tiropu nibi'atoja'a. Yu'ure bu'iri da'reri wi'ipũ bi'adũpo'que weronojõ niwe'e. <sup>10</sup> Tojo weegu yu'u pi'etimigũ, wãcũtutua'a. Õ'acũ bese'cãrãrẽ añurõ wa'ato nígũ tojo wee'e. Na quẽ'rã marĩ weronojõ Jesucristore ãjõpeorã, yu'rũono'rãsama. Añubutiasere bocarãsama. Catinu'cũcã'rãsama. Tojo weegu nipe'tisere wãcũtutua'a.

<sup>11</sup> A'tiro nise diacjũta ni'i:

Marĩ Jesucristore ãjõpeose bu'iri ãpẽrã wẽjẽbosama.

Na tojo wẽjẽcã, marĩ Jesucristo me'rã u'mũsepu catinu'cũrãsa'a.

<sup>12</sup> Marĩ pi'etirã wãcũtutuarã, cã wiogu nirõpu cã me'rã wiorã nirãsa'a.

“Cūrē masītisa'a” nicā, cū quē'rā marīrē  
 “Masīwe'e”, nigūsami.

13 Marī cūrē añurō ějōpeotimicā, cū pe'e  
 nipe'tise “A'tiro weegati” ní'quere queoro  
 weenu'cūsami.

Õ'acū ne ni'cāti nisoomasītisami.

*Pablo Timoteore queoro bu'edutise ni'i*

14 Mũ'u bu'erārē a'te dũporo yũ'u oja'quere  
 wācūdutiya. Āpērā ucūsetirinucū “Tojo mejēta  
 ni'i”, nisama. Diacjũ marī wioꝑũ tũ'oropũ na  
 tojo nisetisere du'udutiya. Te ucūse wapa-  
 marī'i. Āpērā wācūsere dojorēma. 15 Mũ'u  
 pe'e Õ'acū yere añurō bu'eya. Tojo nicā cū  
 yere queoro weeya. Mũ'u tojo weecā ĩ'agũ,  
 mũ'urē “Añurō weemi”, nigūsami. Queoro  
 wéégũ, mũ'u da'rasere bopoyasome. Diacjũ  
 cjasere Jesucristo ye quetire queoro wereturi-  
 aya. 16 A'ti turi cjase diacjũ nitisere na ucūcā,  
 ucūtamuticā'ña. A'tiro ni'i. Tere ucūrā, nemorō  
 siape me'rā ña'arā wa'asama. 17 Na bu'ese  
 marī upũpũ cāmi boase'saro weronojō āpērārē  
 pē'rīpejawā'cāsa'a. Ā'rā pũarā Himeneo, Fileto  
 te boase weronojō masārē bu'érā, dojorēma.  
 18 Ā'rā Õ'acū ye quetire queoro bu'etima. A'tiro  
 nima: “Masā wērī'cārā masātojacārā niwā”,  
 nima. Na tojo nicā tũ'orā, āpērā “¿Ësā de'ro  
 ějōpeorāsariba?” ni wācūma. 19 Õ'acū cū  
 ucūse cū'que pūrīcā tutuari wi'i yeenu'cō'que  
 weronojō ni'i. Cū ye queti ne dũcayuwē'e.  
 A'tiro ni'i. “Marī wioꝑũ Jesucristo cū yarārē

masĩsami.” Tojo nicã “Nipe'tirã ‘Jesucristo yarã ni'i', ni wãcũrã ña'arõ weesere du'uatõ.”

<sup>20</sup> A'te queosere wereguti. Ni'cũ peje cuogu ya wi'ipure peje bapari nisa'a. Uru me'rã wee'que pari, plata me'rã wee'que pari nisa'a. Tojo nicã apeye yucu me'rã wee'que pari, di'i me'rã yee'que pari nisa'a. Bosenũmũ nicã añuse parire na ba'awuaropũ peosama. Apeye parire mejõ nirĩ nũmũ peosama. <sup>21</sup> Marĩ a'te weronojõ ña'asere weetirã, bosenũmũ nicã añuse pari peose weronojõ nirãsa'a. Marĩ wiogu yarã waro nirãsa'a. Cũ nipe'tise añurõ weedutisere queoro weerãsa'a.

<sup>22</sup> Tojo weegu mũ'u ma'mapjia na uaripejasenojõrẽ weeticã'ña. Queoro weeya. Jesucristore ejõpeoya. Masã quẽ'rãrẽ ma'ña. Tojo nicã a'mequẽse marĩrõ niña. Nipe'tirã queoro weerã Õ'acũrẽ ejõpeorã me'rã añurõ nicã'ña. <sup>23</sup> Æpẽrã tojo ucũma'acã, na me'rã ucũtamuticã'ña. Na tũ'omasĩtima. Mũ'u masĩ'i, na tojo ucũrã na uaro a'metu'tiyapatisama. <sup>24</sup> Mũ'u marĩ wiogure da'raco'tegu ni'i. Ne a'metu'titicã'ña. A'tiro pe'e weeya. Nipe'tirã me'rã añurõ niña. Narẽ añurõ bu'e, na mũ'urẽ ña'arõ weesĩ'ricã, tojo tũ'oña'cã'ña. <sup>25</sup> Mũ'u bu'esere tũ'osĩ'rĩtirãrẽ añurõ pajaña'se me'rã narẽ “A'tiro pe'e añurõ weeya”, niña. Õ'acũ na ña'arõ wee'quere dũcayugusami nĩgũ, tojo niña. Na dũcayurã, diacjũ cjasere ejõpeorãsama. <sup>26</sup> Mũ'u narẽ tere werecã, tũ'omasĩrãsama. Tojo weerã wãtĩ yarã, cũ dutiro weemi'cãrã yũ'rãwetiwijarãsama.

## 3

*“A'ti turi pe'tise dɔporo dicuse ña'ase wã'cãrõsa'a” ní'que ní'i*

<sup>1</sup> Mɔ'ɔ a'tere tɔ'omasĩña. A'ti turi pe'tise dɔporo peje ña'ase wã'cãrõsa'a. A'tiro wa'arosa'a. <sup>2</sup> Masã na ye cjase dia'cũrẽ ɔarãsama. Niyerure ɔaripejarãsama. “Ápẽrã yɔ'rɔoro añuyɔ'rɔnɔ'cã'a”, ni wãcũrãsama. Masĩbutiarã weronojõ ucũma'arãsama. Õ'acũrẽ ɔatirã, ña'arõ cũrẽ ucũrãsama. Na pacusumɔarẽ yɔ'rɔnɔ'cãrãsama. Ápẽrã narẽ añurõ weemicã, “Ësãrẽ añurõ weeapɔ”, ne nisome. Narẽ e'catise o'osome. Wiopesase me'rã Õ'acũrẽ ẽjõpeosome. Marĩ ẽjõpeosetisere mejõ nisere weronojõ wãcũrãsama. <sup>3</sup> Ne ápẽrãrẽ ma'isome. Pajaña'se moorãsama. Ucjasepijarã nirãsama. Na no'o ɔaro ña'arõ weesĩrĩsere weerãsama. Ápẽrãrẽ ña'arõ pi'eticã weerãsama. Ne cã'rõ añusere ɔasome. <sup>4</sup> Na me'rãcjãrã nimi'cãrãrẽ ña'arõ weerãsama. No'o ɔaro weema'acã'rãsama. Na ɔpɔtɔ “Ápẽrã yɔ'rɔoro añuyɔ'rɔnɔ'cã'a”, ni wãcũrãsama. Õ'acũ pe'ere wãcũrõnojõ o'orã, e'cati nisetisenojõ dia'cũrẽ wãcũrãsama. <sup>5</sup> Õ'acũrẽ ẽjõpeorã weronojõ weesoarãsama. Na weesetise me'rã pe'e Õ'acũ tutuasere “Tojo niwe'e”, nirãsama.

Nanojõ me'rã ne cã'rõ ba'patima'aticã'ña. <sup>6</sup> Na tojo weerãnojõ a'tiro weesama. Ucũme'rĩse me'rã wi'seripɔ sãjãasama. Sãjãa, numia tiro todɔporo ña'arõ wee'cãrã bu'iritirã,



wăcūtutuatirărē nisoō dojorēsama. Narē mejēcă ējōpeocă weesama. Na numia nipe'tise ña'arō weesere ɯaripejasama. <sup>7</sup> Nipe'tise bu'esere masīsī'rīmiră, ne diacjũ cjasere masītu'ajatisama. <sup>8</sup> Numiarē nisoori masă puară Janes, Jambres weronojō nima. Na dɯporopɯ Moisé nícateropure na Egiptocjără tɯ'oña'rī masă nicără niwă. Na Moisére ĩ'atu'ticără niwă. Diacjũ cjasere ne ɯaticără niwă. Na weronojō ă'ră quē'ră diacjũ cjasere ɯatima. Ña'arō wăcũpo'cără ne queoro ējōpeomasītima. <sup>9</sup> Na ucũma'ase maata pe'tirosa'a. Nipe'tiră na ucũcă tɯ'oră, "Tojo nima'ară weema", nirăsama. Moisére ɯati'cără Janes, Jambriere weronojō wa'arosa'a. Titapure na nima'asere masă masīcără niwă. Mejărōta tja ă'ră quē'rărē na nima'asere masīrăsama.

*Pablo Timoteore "A'tiro weeya" cũ nituo'que ni'i*

<sup>10</sup> Mɯ'ɯ pũrīcă yɯ'ɯ bu'ese nipe'tisere añurō masī'i. Yɯ'ɯ weesetisere, yɯ'ɯ weesī'rīsere masī'i. Tojo nică yɯ'ɯ Ō'acūrē ējōpeosere masī'i. Āpēră queoro weetică, yɯ'ɯ tojo tɯ'oña'sere mɯ'ɯ masī'i. Yɯ'ɯ ma'isetisere, mejēcă wa'acă wăcūtutuasere mɯ'ɯ masī'i. <sup>11</sup> Masă yɯ'ure ña'arō weecă, pi'etiɯɯ. Nipe'tise a'te macărīpɯ wa'a'quere mɯ'ɯ masī'i. Antioquíapɯ, Iconioɯ, Listrapɯ yɯ'ɯ pi'eti'quere mɯ'ɯ masī'i. Pi'etisetirinucũ marī wiogɯ yɯ'ure yɯ'rɯwetică weewī. <sup>12</sup> Diacjũta ni'i. Jesucristore ējōpeoră nipe'tirărē Ō'acũ ɯaronojō añurō weesī'rīrărē ăpēră ña'arō weerăsama. <sup>13</sup> Ña'arī masă, tojo

nicã nisoori masã nemorõ ña'arõ weenemope-orãsama. Nisoonemowã'cãrãsama. Nisoorã nimirã, na quẽ'rã nisoono'o, ëjõpeorãsama.

14 Mũ'u pũrĩcã mũ'urẽ bu'e'quere queoro ëjõpeonu'cũcã'ña. Queoro weeya. Mũ'u tere "Diacjũta ni'i", nisa'a. Mũ'u mũ'urẽ bu'e'cãrãrẽ masĩ'i. 15 Mũ'u wĩ'magũputa Õ'acũ ye queti ojaca pũrĩ cjasere masĩnũ'cãwũ. Tere bu'égũ, mũ'u Õ'acũ yere masĩwũ. Masĩ, Jesucristore ëjõpeose me'rã yu'rũono'wũ. 16 Õ'acũ ye queti ojaca pũrĩ cjasere ojadutigũ, cũ masĩse o'ose me'rã ojaduticũ niwĩ. Te oja'quere bu'érã, diacjũ nisere masĩno'o. Marĩ ña'arõ wee'que quẽ'rãrẽ "Ña'a ni'i", nino'o. Marĩ ña'arõ wee'quere ducayumasĩcã wee'e. Tere bu'érã, queoro weenu'cũmasĩ'i. 17 Õ'acũ cũ yarãrẽ nipe'tise añurõ weesere weemasĩato níngũ cũ ye cjasere ojaduticũ niwĩ.

## 4

1 Jesucristo nipe'tirã wiogu tutuaro me'rã a'tigusami. A'tigu, masã catirãrẽ, wẽrĩ'cãrãrẽ besegusami. Õ'acũ, tojo nicã Jesucristo tu'oropure mũ'urẽ a'tiro weeduti'i. 2 Masãrẽ Õ'acũ ye quetire wereya. Nipe'tisetiri masã tu'osĩ'ricã, wereya. Na tu'osĩ'rĩticã quẽ'rãrẽ, werenu'cũcã'ña. Mũ'u weresere tu'orã, ëjõpeorãsama. Na queoro weeticã, tu'tiya. "A'tiro weeroua'a", niña. Narẽ bu'égũ, queoro pajaña'se me'rã wereme'ricã'ña. 3 Be'ropure masã añuse bu'esere uatirãsama. Tojo weegũ a'tiro nicãrẽ queoro bu'ewe'oya. Be'ropure

a'tiro wa'arosa'a. Na, na ɯaro weerāsama. Na tu'otu'sase dia'cūrē tu'osi'rīrāsama. Tojo weerā tere bu'eajā pājārārē a'marāsama. <sup>4</sup> Na diacjũ cjasere tu'osome. Nipe'tise no'o werema'ase pe'ere tu'orāsama. <sup>5</sup> Timoteo, mu'ɯ pūrīcā queoro wācũña. Mu'ɯ Jesucristo ye quetire werecā, masā mu'urē ña'arō weerāsama. Na tojo weecā, wācūtutuaya. Jesucristo masārē yu'ruomi nise quetire du'ucūrō marīrō werenu'cūcā'ña. Mu'urē weeduti'quere weetu'ajanɯ'cōña.

<sup>6</sup> Yu'ɯ wērīatjo cā'rō du'sa'a. Yu'ure masā Ō'acūrē wa'icūrārē ũjũamorōpeo'caro weronojō wa'arotiro wee'e. Tojo weegu mu'urē tojo duti'i. <sup>7</sup> Yu'ɯ Jesucristo ye quetire weregu, nipe'tise yu'ɯ tutuaro pōtēorō weewɯ. Nipe'tise Ō'acũ yu'ure duti'quere tu'ajatoja'a. Ne cūrē ējōpeodu'uwe'e. <sup>8</sup> Ni'cārōacārē majā Ō'acũ yu'ure añurō wee'que wapa o'otaje du'sa'a. Marī wiogu Ō'acũ masārē beseatji numu nicā, yu'ure o'ogusami. Cũ masārē queoro besemi. Yu'ɯ dia'cūrē o'osome. Nipe'tirā cūrē ējōpeorā cū a'tiatjere ɯarārē o'ogusami.

*Pablo cū ye cjasere were'que ni'i*

<sup>9</sup> Mu'ɯ pōtēorō a'tita basioro yu'ɯ tiropɯ maatacure ĩ'agũ a'tia. <sup>10</sup> A'tiro ni'i. Crescente wāmetigu Galacia wāmetiropɯ wa'awĩ. Tojo nicā Tito Dalmaciapɯ wa'awĩ. Demas pūrīcā a'ti turi cjasere nemorō ma'iyu'rɯnɯ'cāgũ, yu'ure cō'awā'cā wa'awĩ. Cũ Tesalónicapɯ wa'awĩ. <sup>11</sup> Luca dia'cũ yu'ɯ me'rā nimi. Marcore a'maña. Mu'ɯ me'rā a'tiatio. Cũ yu'ure weetamusere ɯa'a.

<sup>12</sup> Yũ'u Tíquicore Éfesopũ o'ówũ. <sup>13</sup> Mũ'u a'tigu, yaro su'tiro asibusuro bu'icjārōrē miitia. To Troa wāmetiri macā Carpo ya wi'ipũ nisa'a. Yé papera tūrūrīrē miitia. Wa'icūrā caseri me'rā oja'que yé caserire acobojotibutiācā'ña.

<sup>14</sup> Alejandro cōme me'rā da'rari masũ yũ'ure ña'abutiāro weewĩ. Ō'acũ marĩ wiogũ cũ wee'caro ejatuaro cūrē bu'iri da'regusami. <sup>15</sup> Mũ'u pūrīcā cūrē tũ'omasña. Cũ marĩ bu'esere ne uatiyũ'ruami.

<sup>16</sup> Ne waro wiorā yũ'ure sērītiña'cā, ne ni'cũ yũ'ure weetamutiwĩ. Nipe'tirā yũ'ure cō'awā'cā wa'awā. Ō'acũ na tojo wee'quere acobojocā u'a. <sup>17</sup> Ō'acũ pūrīcā yũ'ure weetamuwĩ. Yũ'ure tutuase o'owĩ. Tojo weegũ wiorārē yũ'u a'tiro werewũ. Jesucristo masā ña'arō niseti'quere yũ'ruomi nise quetire narē werepe'ocā'wũ. Nipe'tirā a'ti umucocjārā judío masā nitirā te quetire tũ'oato nígũ tojo werewũ. Apeye quē'rārē Ō'acũ yũ'ure a'tiro weewĩ. Yaiwa ba'ano'bo'cure weronojō wiose wa'teropũ nigūrē yũ'ruweticā weewĩ. <sup>18</sup> Tojo nicā nipe'tise yũ'ure be'ropũ ña'arō weeatjere yũ'ruweticā weegusami. Ū'musepũ cũ wiogũ nirōpũ yũ'ure miagũsami. Masā Ō'acūrē añurō ucũnu'cũato. Tojota wa'ato.

*Pablo añudutitũo'que ni'i*

<sup>19</sup> Prisca, Aquila añuato. Tojo nicā Onesíforo ya wi'icjārā quē'rā añuato. <sup>20</sup> Erasto Corintopũ tojaque'awĩ. Trófimoma dutitigure Miletopũ cō'awā'cātiwũ. <sup>21</sup> Mũ'u pōtēorō a'tita

basiro pu'ecũ dũporo a'tia. Eubulo, Pudente,  
Lino, Claudia, nipe'tirã marĩ acawererã mũ'urẽ  
añudutima.

<sup>22</sup> Jesucristo marĩ wiogũ mũ'ũ me'rã niato.  
Õ'acũ mũsã nipe'tirãrẽ añurõ weeato.

Tocã'rõta oja'a.

Pablo

## **Õ'âkã hi yeere uúkũri turi Tukano New Testament in Tucano (BR:tuo:Tucano)**

copyright © 2009 Wycliffe Bible Translators, Inc.

Language: Tucano

Translation by: Wycliffe Bible Translators, Inc.

Tucano [tuo], Brazil

### **Copyright Information**

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Tucano

**© 2009, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2020-12-01

---

PDF generated using Haiola and XeLaTeX on 22 Feb 2024 from source  
files dated 31 Aug 2023

00ebd04f-7b0d-5a72-9407-eb53ae2bd086